

Auflegung Gemeiner

viel/als sehr nahēd/das es einem nicht näher kōmen kōndte/Dañ im hauß vnd hofe geschicht alles was wir thun / als in dem vnsern / vñ nichts ist vns näher dan hauß vñ hofe darinnen wir wonen mit weib vnd kinden/die alle hiemit begriffen seind. Vn glück wirt dir zu hauß vñ hofe kōmen/ vñ wirt dich / dein weib vnd kind / vnd alles was du hast/nahēd vñ oberflüssig treffen.

173

Es wirt dir bekommen wie dem Hund das gras.

Wañ sich der hund purgierē wil/so frisset er gras/vnd gibt es bald wider vō jm/vñ empfaet vom gras kein speiß oder stercke/dann es ist wider sein natur dasselbig zuuerdauen. Die vrsach/warumb dem hūd das gras nicht bekompt / sagen etlich sey diese. Ein hūd ist ein Colerisch thier/hitzig vñ grimig/auch eins hitzigē magens/wañ er nun gras frisset/so verbrennet die hitze das gras/vñ wirt ein rauch od dāpff darauß/der dampff er wecket dan das brechen/also das dem hund das gras nicht bekompt. Wer nu etwas fürnimpt / anhebet oder thut/das jm nicht zimet / oder des er keinen fug hat/vñ da gfahr bey ist/zu dem sagt